



Publicaziuns dalla vischnaunca, jamna 11

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2023-1020.000

Marcel Moser, Via Scantschala 1, 7183 Mumpé Medel; construcziun d'in mir da sustegn, parcella 1090, Via Scantschala 1, 7183 Mumpé Medel.

Disentis/Mustér, ils 17 da mars 2023

Uffeci da baghegiar Disentis/Mustér

Vias d'uaul e vias da cultivaziun

Informaziun ed annunziis

Igl 1. da fevrer 2023 ei la lescha pil manteniment ed il diever dallas ovras da meglieraziun e d'uaul entrada en vigur legala. Art. 13 dalla lescha definescha il dretg da carrar sin las vias da cultivaziun ed uaul sco suonda:

- Tuts viadis da survetsch dalla polizia, dil survetsch forestal, per diever agricol (maschinas agricolas senz'autos cun numera verda), dalla polizia da catscha e pesca, dalla sanidad, dils pumpiers, dils guardians d'ieli e da chemia, viadis per ademplir activitads officialas u legalas sco era viadis en survetsch dalla vischnaunca, dil Cantun e dalla Confederaziun;
- viadis cun maschinas agricolas e mieds da transport forestals da tut gener cugl intent da cultivar alps, pastiras e praus (agricultura) ed ils uauls (forestal), sche quels viadis stattan en connex cun la cultivaziun;
- viadis en connex cul transport da selvaschinas da grefla sittadas;
- pil transport da lenna duront in temps limitau, fixaus en curvegnientscha cul selvicultur communal.

Art. 14 dalla lescha communal regla las excepziuns pusseivlas per lubientschas da carrar per vehichels entochen 3.5 t.

1. Lubientschas en general

¹Las lubientschas da carrar vegnan per regla concedidas mintgamai pil temps naven digl 1. d'avrel entochen ils 15 da december. Aschinavon ch'ei croda neiv ordeifer quei temps ni en cass dad auters eveniments dalla natira, exista negin dretg da far valer la rumida dalla via.

2. Lubientschas annualas

¹L'administraziun communal conceda sin damonda lubientschas annualas da carrar per suandont diever:

- per vehichels da proprietaris da schischom e beins immobiliars sco era affittaders da tals, vegn concediu maximalmein duas lubientschas annualas pil sector pertuccau;
- per vehichels – da beins agricols ch'ei registrai cun ina numera da menaschi el register agricol official – vegn concediu duas lubientschas per tuts secturs che vegnan cultivai entras quei menaschi;
- per vehichels da personas che segidan cun cultivaders da beins agricols registrai cun numera da menaschi el register agricol official en connex cun la cultivaziun dil terren. Per menaschi vegn concediu maximalmein ina ulteriura lubientscha da gidonter analog alineia b. La damonda sto vegnir inoltrada entras il menaschi puril;
- per scadina lubientscha eis ei da pagar la taxa indicada en questa lescha. Per lubientscha sa vegnir registrau duas numeras da vehichel. Las lubientschas ein buca transmissiblas.



3. Lubientschas dil di e dall'jamna

¹L'administraziun communal conceda sin damonda lubientschas da carrar dil di e dall'jamna per suandont diever:

- a) access per intents defini sco visetas a pasturs, visetas da camonas, per la raccolta e diever da tegias per intent da vacanzas;
- b) vehichels per guids da muntogna;
- c) vehichels per personas cun impediments corporals;
- d) vehichels per la construcziun da baghetgs e stabiliments;
- e) viadis cun vehichels dil cultivader, aschinavon ch'els vegnan utilisai per intents agricols;
- f) viadis cun caschun dad occurrenz.

²La lubientscha dil di vala mo pil datum ed il sector indicau e per ir e turnar. La lubientscha jamnila vala per l'jamna ed il sector indicau.

Las lubientschas dil di e dall'jamna san vegnir retratgas sin via electronica. Per quei intent ei la vischnaunca vidlunder d'activar sigl 1. d'avrel 2023 ensemen cun l'interpresa „Digitalparking» ina App che facilitescha la retratga dallas lubientschas da carrar.

Sefundond sin las prescripziuns digl art. 14 cefra 2 dalla lescha communal vegnan proprietaris da terren e da schischom, affittaders da tal e cultivaders da beins agricols che giavischan ina lubientscha annuala envidai d'inoltrar la damonda per retrer las lubientschas annualas da carrar all'administraziun communal. Per quei intent ei vegniu creau in formular cun las indicaziuns necessarias per retrer ina lubientscha annuala da carrar. Personas ufficialas ein medemamein envidadas d'inoltrar ina damonda da carrar. Las lubientschas succedan sin via digitala tenor las indicaziuns sil formular d'annunzia. Leu nua che las indicaziuns mauncan sa buca vegnir concediu ina lubientscha. Il formular d'annunzia anfleis Vus sin la pagina d'internet www.disentis.ch/vischnaunca/administraziun/partiziuns/administraziun/Lubientscha da carrar. Il formular sa era vegnir retratgs dall'administraziun communal.

Disentis/Mustér, ils 17 da fevrer 2023

Suprastonza communal Disentis/Mustér

Lenna da brisch

Damondas per lenna da brisch ein da far **en scret entochen ils 11 d' avrel 2023** agl uffeci forestal dalla vischnaunca da Mustér, Simon Cathomen, Gassa da Cuoz 1, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau ed il quantum. Sin giavisch vegn la lenna era furnida franco a casa. Il formular d'empustaziun sa vegnir cargaus giu silla pagina d'internet sut www.disentis.ch/uaul.

Lenna sin il tschep vegn mo vendita sche las premissas pertuccont scolaziun minimala da luvriers d'uaul ein garantidas. La cumpra da lenna sin il tschep sto vegnir reglada en in contract da cumpra.

Uffeci forestal Disentis/Mustér

Uniun da pescadurs Rein-miez

Cuors fundamental per pescadurs giuvens/entschaviders 2023

L'Uniun da pescadurs Rein-miez organisescha il cuors obligatoric fundamental per pescadurs novs. Il cuors vegn serraus giu cun gl'attest savida da pescar. Quel lubescha al possesur da'acquistar il patent da pescar el cantun grischun ed en l'entira svizra, nua ch'il «SANA» vegn pretendius. Ils cuosts muntan a frs. 75.– ed includan il gentar cun bubrondas senza il material da scolaziun. Il cuors ha liug: **Sonda, ils 15 d'avrel 2023 en l'aula dalla scoletta a Curaglia**

L'annunzia saveis vus far sut l'adressa www.anglerausbildung.ch ni directamein tiel president dall'uniun Placi Flepp 079 406 74 16. Il material da studi anfleis vus sut www.anglerausbildung.ch.

Uniun da pescadurs Rein-miez



Biblioteca populara Disentis/Mustér e contuorn

BiblioWeekend

Dapertut en Svizra arvan las bibliotecas la fin d'jamna **dils 24–26 da mars 2023** lur portas. Nus naturalmein era! Il tema d'uonn ei «trer si la vela».

Venderdis, ils 24-3-2023:

dallas 17.30–20.00 (usitau temps d'emprest) has ti la pusseivladad da faldar barcas da pupi.

Sonda, ils 25-3-2023:

allas 9.30 Buchstart per ils pigns da 1–4 onns cun lurgeniturs.

allas 16.00 raquenta Damian Berther, in giuven navigatur a vela, da siu sport. Il giuven da 15 onns navigescha a vela dapi ch'el ha 8 onns. Dacuort eis el vegnius undraus per sias prestaziuns cugl Award «Bester Junior der Zentralschweiz 2022».

Il program detagliau anfleis vus sut www.biblioteca-disentis.ch

Cordialmein envida

il team dalla biblioteca

Club da tennis Mustér

Radunonza generala sonda, ils 25-3-2023 allas 18.00, sala da seduta, canzlia communal.

Tractandas:

1. Beinvegni
2. Elecziun dumbravuschs
3. Protocol dalla radunonza generala d'ils 1 d'avrel 2022
4. Rapports
 - President
 - Interclub
 - Meinaturnier
 - Juniors
5. Quen 2022 e rapport dils revisurs
6. Contribuziuns annualas
7. Budget 2023
8. Elecziuns
 - President(a)
 - Revisur(a) da quen
9. Program da stad
10. Jubiläum 50 onns club da tennis
11. Varia

a stedia participaziun envida

la suprastonza

Péz Ault Disentis/Mustér

Trofea Péz Ault

Sonda, 18 da mars 2023, 17.00: Trofea Péz Ault Vertical.

Dapli informaziuns sut: www.trofea.ch

Dumengia, 19 da mars 2023, 17.00: Trofea Péz Ault

Individual. Dapli informaziuns sut: www.trofea.ch



Uniun da dunnas Mustér

Invitaziun alla radunonza generala, gievgia, ils 23 da mars 2023, 19.30 el hotel Alpsu. Bugen beneventein tei alla radunonza generala dall'Uniun da dunnas Mustér cun ina tscheina communabla. Impurtont! Muort motivs organisatorics supplichein tei da far ti'annunzia/demissiun sut il suadont link <https://www.uddm.ch> ni informar la suprastonza **entochen ils 19 da mars 2023**.

Tractandas:

1. Elecziun da duas dumbravuschs
2. Rapport annual dalla presidenta
3. Rendaquen e rapport dallas revisuras
4. Program 2023
5. Contribuziun annuala e preventiv
6. Undraziuns
7. Elecziuns
8. Varia

Cordials salids

Uniun da dunnas Mustér

Einladung zur Generalversammlung am Donnerstag, 23. März 2023 um 19.30 Uhr im Hotel Alpsu. Gerne laden wir Dich, zur Generalversammlung der Uniun da dunnas Mustér mit gemeinsamen Nachtessen, ein. Wichtig! Aus organisatorischen Gründen bitten wir Dich, um eine Anmeldung/Abmeldung **bis am 19. März 2023** unter folgendem Link <https://www.uddm.ch> oder direkt beim Vorstand.

Traktanden:

1. Wahl Stimmzählerinnen
2. Jahresbericht der Präsidentin
3. Jahresrechnung und Revisionsbericht
4. Program 2023
5. Mitgliederbeitrag und Budget
6. Ehrungen
7. Wahlen
8. Varia

Wir freuen uns über eine rege Teilnahme.

Uniun da dunnas Mustér

Sentupada cun affons pigns e geniturs

La grupp da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la grupp da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **mardis, ils 28-3-2023**

Temps: 15.00–16.30

Liug: Casa da scola Segnas, local artgin, ella 1 alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons



Uniun samaritana Mustér

Defibrillaturs

Preziadas vischinas, prezai vischins. En in cass d'urgenza quenta mintga minuta ed aschia eis ei impurtont ch'in e scadin sa co el ha d'agir. Denton buca mo la savida, mobein era il material sto esser avon maun. Ella vischnaunca da Mustér ei installau en tut 12 defibrillaturs ch'ei tuts veseivels silla pagina da defikarte.ch. Sin quella pagina d'internet ei ina gronda part dils defibrillaturs en Svizra marcai, aschia che mintgin sa, nua che quels secattan. Era la Centrala d'alarm Svizra 144 ha access sin quella pagina e sa aschia comunicar en in cass d'urgenza als gidonters sil plaz, nua ch'il proxim defibrillatur sesanfla. Dei in sguard sin quella pagina, aschia che Vus essas informai.

Defibrillatoren

Geschätzte Nachbarn. In einem Notfall zählt jede Minute und es ist wichtig, dass jeder weiss, was er zu tun hat. Jedoch sollte nicht nur das Wissen vorhanden sein, sondern auch das nötige Material. In der Gemeinde Disentis sind insgesamt 12 Defibrillatoren installiert. Diese sind auch auf defikarte.ch markiert. Auf dieser Internetseite ist ein Grossteil der Defibrillatoren in der Schweiz sichtbar. Die schweizerische Notrufzentrale 144 nützt ebenfalls defikarte.ch und kann somit bei einem Notfall den Ersthelfern vor Ort mitteilen, wo sich der nächste Defibrillator befindet. Besuchen Sie die Internetseite und informieren Sie sich
